

თელავის მუნიციპალიტეტის საკრებულოს
სამანდატო-საპროცედურო და იურიდიულ საკითხთა კომისიის სხდომის
ო.ქ.მ.ი № 4

ქ.თელავი

28. 03. 2018წ.

თავმჯდომარეობდა: სამანდატო-საპროცედურო და იურიდიულ საკითხთა კომისიის
თავმჯდომარე ნანა ხვისტანი
ესწრებოდნენ კომისიის წევრები: ტიტე დარეჯანიშვილი, დავით ლაღანიძე, მაია
მარკოზაშვილი, ლევან კოჭლოშვილი, ზურაბ ლილუაშვილი, არჩილ თვალთაშვილი,
ზაქარია გრიშვილი.
საკრებულოს სამანდატო-საპროცედურო და იურიდიულ საკითხთა კომისიაში
მოწვეული სპეციალისტი მ. ჩაფურიშვილი.

დღის წესრიგი

1. თელავის მუნიციპალიტეტის საკრებულოს 2018 წლის 08 თებერვლის №12
დადგენილებაში „თელავის მუნიციპალიტეტის მერიის საშტატო ნუსხისა და
თანამდებობრივი სარგოების დამტკიცების შესახებ“ ცვლილების შეტანის
თაობაზე.

მომხს. ნ. ხვისტანი

მოისმინეს: ნანა ხვისტანმა აღნიშნა რომ დადგენილებაში ცვლილების შეტანის აუცილებლობა
გამოწვეულია იმ გარემოებით, რომ დღეის მდგომარეობით, თელავის მუნიციპალიტეტის
მერიის საშტატო ნუსხაში მერის წარმომადგენელს მიკუთვნებული აქვს II რანგის მეორადი
სტრუქტურული ერთეულის ხელმძღვანელის რანგი. აღნიშნულთან დაკავშირებით, საჯარო
სამსახურის ბიუროდან, რომელიც „საჯარო სამსახურის შესახებ“ საქართველოს კანონის
თანახმად, საჯარო სამსახურში ერთგვაროვანი პრაქტიკის დანერგვის მიზნით შეიმუშავებს
შესაბამის რეკომენდაციებს, შემოსულია რეკომენდაცია, სადაც განმარტებულია, რომ მერის
წარმომადგენლებისთვის განსაზღვრული ფუნქცია-მოვალეობების პასუხისმგებლობის
ხარისხი და მოვალეობათა შესრულების სირთულე არ შეესაბამება „პროფესიული საჯარო
მოხელეების თანამდებობათა დასახელებებისა და იერარქიულ რანგებში განაწილების წესის,
შესაბამისი იერარქიული რანგისთვის მიკუთვნებული მოხელეთა თანამდებობების
იერარქიული ჩამონათვალის განსაზღვრის შესახებ“ საქართველოს მთავრობის 2017 წლის 26
აპრილის N215 დადგენილების დანართით აღწერილ პირველ და მეორე რანგის თანამდებობას.
აგრეთვე, დადგენილებაში განსაზღვრულია, რომ პირველ და მეორე რანგს მიკუთვნება
საჯარო დაწესებულების პირველადი სტრუქტურული ერთეულის ხელმძღვანელის,

პირველადი სტრუქტურული ერთეულის ხელმძღვანელის მოადგილის და მეორადი სტრუქტურული ერთეულის ხელმძღვანელის თანამდებობები, ხოლო მერის წარმომადგენელი მიეკუთვნება საშტატო ნუსხით განსაზღვრულ პოზიციას და არა სტრუქტურულ ერთეულს.

„საჯარო სამსახურის შესახებ“ საქართველოს კანონის 126¹ მუხლის მე-7 პუნქტის თანახმად, 2018 წლის 01 აპრილამდე საჯარო დაწესებულებას აქვს უფლებამოსილება, საჯარო სამსახურის ბიუროს რეკომენდაციის საფუძველზე მოახდინოს კორექტირება საჯარო დაწესებულებაში არსებული თანამდებობების იერარქიულ რანგებში განაწილებასთან დაკავშირებით.

წინამდებარე ცვლილების პროექტის თანახმად, მერის წარმომადგენელს II რანგის მეორადი სტრუქტურული ერთეულის ხელმძღვანელის რანგის ნაცვლად ენიჭება III რანგის I კატეგორიის უფროსი სპეციალისტის რანგი, ხოლო თანამდებობრივი სარგო 1200 ლარის ნაცვლად განისაზღვრება 1100 ლარით.

ამასთან, წარმოდგენილი პროექტის მიხედვით, მერის წარმომადგენლის პოზიცია სტრუქტურულად დაექვემდებარა ადმინისტრაციული სამსახურის მერის წარმომადგენელთა საქმიანობის კოორდინაციის განყოფილებას და საშტატო ნუსხაში დაკონკრეტდა თითოეული ადმინისტრაციული ერთეული.

აზრი გამოთქვას: კომისიის წევრებმა მხარი დაუჭირეს აღნიშნულ ცვლილებას.

გადაწყვეტეს: დადგენილების პროექტი წარედგინოს ბიუროს სხდომას საკრებულოს სხდომაზე განხილვის მიზნით.

კომისიის თავმჯდომარე:



ნანა ხვისტიანი